

॥ मृत्युञ्जयहोम-मन्त्राः ॥

अपै॑तु मृत्यु॒रमृतं॑ न॒ आगन्वै॑वस्व॒तो नो॑ अ॒भयं॑ कृ॒णोतु॑। पु॒र्णं
वन॒स्पतै॑रिवा॒भि॒नः॑ शी॒यता॑ र॒यिः स॒च॒तां नः॑ श॒ची॒पतिः॑॥१॥

मृत्यु॒र्नश्य॑त्वायुर्वर्ध॒ता ऽ स्वाहा॑। मृत्य॒व इदं॑ न मम॥

परं॑ मृत्यो॒ अनु॒ परे॑हि पन्थां॒ यस्ते॒ स्व इत॑रो दे॒व॒याना॑त्।
चक्षु॑ष्मते शृण्व॒ते ते॑ ब्रवी॒मि मा नः॑ प्र॒जा ऽ री॑रिषो॒ मोत॑
वी॒रान्॥२॥

मृत्यु॒र्नश्य॑त्वायुर्वर्ध॒ता ऽ स्वाहा॑। मृत्य॒व इदं॑ न मम॥

वा॒तं प्रा॒णं म॒नसा॑ऽन्वा र॒भाम॑हे प्र॒जाप॑तिं॒ यो भु॑व॒नस्य॑
गो॒पाः। स नो॑ मृत्यो॒स्त्राय॑तां॒ पा॒त्व ऽ ह॑सो॒ ज्यो॒ग्जी॒वा
ज॒राम॑शीमहि॥३॥

मृत्यु॒र्नश्य॑त्वायुर्वर्ध॒ता ऽ स्वाहा॑। मृत्य॒व इदं॑ न मम॥

अ॒मुत्र॒ भूया॑दध॒ यद्य॑मस्य॒ बृह॑स्पते अ॒भि॒श॑स्ते॒रमु॑श्चः।
प्र॒त्यौ॒हता॑म॒श्विना॑ मृत्यु॒मस्मा॑द्दे॒वाना॑म॒ग्ने भि॒षजा॒ शची॑भिः॥४॥

मृत्यु॒र्नश्य॑त्वायुर्वर्ध॒ता ऽ स्वाहा॑। बृह॑स्पतये अ॒श्विभ्या॑म् अ॒ग्नये॑
च॒ इदं॑ न मम॥

हरि॑ ऽ हर॑न्त॒मनु॑यन्ति दे॒वा वि॒श्वस्ये॑शा॒नं वृ॒षभं॑ म॒तीना॑म्।
ब्रह्म॑ स॒रूप॑म॒नुमे॑दमागा॒दय॑नं॒ मा वि॒व॒धीर्वि॑क्रमस्व॥५॥

मृत्यु॒र्नश्य॑त्वायुर्वर्ध॒ता ऽ स्वाहा॑। ब्रह्म॑ण इदं॑ न मम॥

श॒ल॒कैर॑ग्निमि॒न्धान॑ उ॒भौ लो॒कौ स॑नेम॒हम्। उ॒भयो॑र्लो॒कयोर्-

ऋध्वाऽति मृत्युं तंराम्यहम्॥६॥

मृत्युर्नश्यत्वायुर्वर्धताऽ स्वाहा॥ मृत्यव इदं न मम॥
मा छिदो मृत्यो मा वधीर्मा मे बलं विवृहो मा प्रमोषीः। प्रजां
मा मे रीरिष आयुरुग्र नृचक्षसं त्वा हविषा विधेम॥७॥

मृत्युर्नश्यत्वायुर्वर्धताऽ स्वाहा॥ मृत्यव इदं न मम॥
मा नो महान्तमुत मा नो अर्भकं मा न उक्षन्तमुत मा न
उक्षितम्। मा नो वधीः पितरं मोत मातरं प्रिया मा नस्तनुवो
रुद्र रीरिषः॥८॥

मृत्युर्नश्यत्वायुर्वर्धताऽ स्वाहा॥ रुद्राय इदं न मम॥ [अप
उपस्पृश्य।]

मा नस्तोके तनये मा न आयुषि मा नो गोषु मा नो अश्वेषु
रीरिषः। वीरान्मा नो रुद्र भामितो वधीर्हविष्मन्तो नमसा
विधेम ते॥९॥

मृत्युर्नश्यत्वायुर्वर्धताऽ स्वाहा॥ रुद्राय इदं न मम॥ [अप
उपस्पृश्य।]

प्रजापते न त्वदेतान्यन्यो विश्वां जातानि परिता बभूव।
यत्कांमास्ते जुहुमस्तन्नो अस्तु वयं स्याम पतयो
रयीणाम्॥१०॥

मृत्युर्नश्यत्वायुर्वर्धताऽ स्वाहा॥ प्रजापतय इदं न मम॥
यत इन्द्र भयामहे ततो नो अभयं कृधि। मघवन्छुग्धि तव
तन्न ऊतये विद्विषो विमृधो जहि॥११॥

मृत्युर्नश्यत्वायुर्वर्धताः स्वाहा॥ इन्द्राय मघवत इदं न मम॥
स्वस्तिदा विशस्पतिर्वृत्रहा विमृधो वशी। वृषेन्द्रः पुर एतु नः
स्वस्तिदा अभयङ्करः॥१२॥

मृत्युर्नश्यत्वायुर्वर्धताः स्वाहा॥ इन्द्राय अभयङ्कराय इदं न
मम॥

त्र्यम्बकं यजामहे सुगन्धिं पुष्टिवर्धनम्। उर्वारुकमिव
बन्धनान्मृत्योर्मुक्षीय माऽमृतात्॥१३॥

मृत्युर्नश्यत्वायुर्वर्धताः स्वाहा॥ त्र्यम्बकाय इदं न मम॥
अपमृत्युमपक्षुधम्। अपेतः शपथं जहि। अधो नो अग्र
आवह। रायस्पोषः सहस्रिणम्॥१४॥

मृत्युर्नश्यत्वायुर्वर्धताः स्वाहा॥ मृत्यव इदं न मम॥
ये ते सहस्रमयुतं पाशाः। मृत्यो मर्त्याय हन्तवे। तान् यज्ञस्य
मायया। सर्वानवेयजामहे॥१५॥

मृत्युर्नश्यत्वायुर्वर्धताः स्वाहा॥ मृत्यव इदं न मम॥
जातवेदसे सुनवाम सोमं मरातीयतो निदहाति वेदः। स नः
पर्षदतिं दुर्गाणि विश्वा नावेव सिन्धुं दुरिताऽत्यग्निः॥१६॥

मृत्युर्नश्यत्वायुर्वर्धताः स्वाहा॥ अग्नये जातवेदस इदं न
मम॥

भूर्भुवः स्वः। ओजो बलम्। ब्रह्म क्षत्रम्। यशो महत्। सत्यं
तपो नाम। रूपममृतम्। चक्षुः श्रोत्रम्। मन आयुः। विश्वं यशो

म॒हः। स॒मं तपो॒ हरो॒ भाः। जा॒तवे॑दा॒ यदि॑ वा पा॒वको॑ऽसि।
 वै॒श्वान॒रो यदि॑ वा वैद्यु॒तोऽसि॑। शं प्र॒जाभ्यो॒ यज॑मानाय
 लो॒कम्। ऊ॒र्जं पु॒ष्टिं द॑द॒द्भ्याव॑वृ॒थ्स्व॥१७॥

मृ॒त्युर्न॑श्य॒त्वायु॑र्व॒र्धता॑ऽ स्वाहा॑। जा॒तवे॑द॒से वै॒श्वान॒राय॑ इ॒दं न॑
 म॒म॥

मृ॒त्युर्न॑श्य॒त्वायु॑र्व॒र्धतां॑ भूः॥१८॥

मृ॒त्युर्न॑श्य॒त्वायु॑र्व॒र्धता॑ऽ स्वाहा॑। अ॒ग्नय॑ इ॒दं न॑ म॒म॥

मृ॒त्युर्न॑श्य॒त्वायु॑र्व॒र्धतां॑ भुवः॥१९॥

मृ॒त्युर्न॑श्य॒त्वायु॑र्व॒र्धता॑ऽ स्वाहा॑। वा॒यव॑ इ॒दं न॑ म॒म॥

मृ॒त्युर्न॑श्य॒त्वायु॑र्व॒र्धता॑ऽ सु॒वः॥२०॥

मृ॒त्युर्न॑श्य॒त्वायु॑र्व॒र्धता॑ऽ स्वाहा॑। सू॒र्याय॑ इ॒दं न॑ म॒म॥

मृ॒त्युर्न॑श्य॒त्वायु॑र्व॒र्धतां॑ भूर्भु॒वः सु॒वः॥२१॥

मृ॒त्युर्न॑श्य॒त्वायु॑र्व॒र्धता॑ऽ स्वाहा॑। प्र॒जाप॑तय इ॒दं न॑ म॒म॥

॥ॐ शान्तिः॒ शान्तिः॒ शान्तिः॑॥



(तैत्तिरीयारण्यकम् - ४/प्रपाठकः - ३/अनुवाकः - १५)

हरि॒ऽ हर॑न्त॒मनु॑यन्ति दे॒वाः। वि॒श्व॒स्ये॒शानं॑ वृष॒भं मंती॑नाम्।
 ब्र॒ह्म स॒रूप॑म॒नुमे॑दमागा॑त्। अय॑नं॒ मा वि॒व॒धीर्वि॑क्रमस्व। मा
 छि॒दो मृ॒त्यो मा व॑धीः। मा मे॒ बलं॑ वि॒वृ॒हो मा प्र॑मोषीः।
 प्र॒जां मा मे॑ रीरिष॒ आयु॑रुग्र। नृ॒चक्ष॑सं॒ त्वा ह॒विषा॑ विधेम।

सृ॒द्यश्च॑क॒मा॒नाय॑। प्र॒वे॒पा॒नाय॑ मृ॒त्यवे॑॥१॥

प्रा॒स्मा आ॒शा अ॒शृ॒ण्वन्। का॒मे॒ना॒ज॒न॒य॒न्पु॒नः। का॒मे॒न मे॒
का॒म आ॒गात्। हृ॒द॒या॒द्धृ॒द॒यं मृ॒त्योः। य॒द॒मी॒षा॒म॒दः प्रि॒यम्।
त॒दै॒तू॒प॒मा॒भि। परं॑ मृ॒त्यो अनु॑ परे॒हि प॒न्था॑म्। य॒स्ते स्व॒
इ॒त॒रो दे॒व॒या॒ना॑त्। चक्षु॑ष्म॒ते शृ॒ण्व॒ते ते॑ ब्रवी॒मि। मा नः॑ प्र॒जा॒
री॒रि॒षो मो॒त वी॒रान्। प्र पू॒र्व्यं म॒न॒सा व॒न्द॒मानः॑। ना॒ध॒मा॒नो
वृ॒ष॒भं च॑र॒षणी॑नाम्। यः प्र॒जा॒ना॒मे॒क॒रा॒ण्मा॒नु॒षी॒णाम्। मृ॒त्युं
य॒जे प्र॒थ॒म॒जा॒मृ॒त॒स्य॑॥२॥